



KOMUNIKADO PA PRENSA

Fecha

21 di juni 2018

Persona di kontakto

Noriza Gerard

Email

noriza.gerard@gobiernu.cw

A KUMINSA PLAK STEKER RIBA OPHEOTONAN DI PROPAGANDA KU NO TIN PÈRMIT I/ÒF EKSONERASHON!

Willemstad - Minister di Tráfiko, Transporte i Planifikashon Urbano (VVRP) ta informá tur doño di bòrchinan di propaganda ku a kuminsá plak steker riba tur bòrchi òf opheto di propaganda komersial ku no tin un pèrmit i/òf eksonerashon.

Konforme e lei di Òrdu Públiko (Landsverordening Openbare Orde (LOO)), ku a drenta na vigor dia 1 di ougùstùs 2015, ta prohibí pa pone bòrchi òf otro ophetonan di propaganda komersial den, riba, kantu di, òf visibel for di kaya públiko sin un pèrmit i/òf eksonerashon di Minister di VVRP. Doñonan di bòrchi òf otro ophetonan di propaganda komersial mester kita e opheto i hasi petishon pa un eksonerashon pa e propaganda i un pèrmit pa pone un opheto den área públiko. Bòrchi òf otro ophetonan di propaganda komersial por wòrdu pone solamente despues ku a hasi petishon pa un pèrmit i/òf eksonerashon na Servisio pa Planifikashon Urbano (Ruimtelijke Ordening en Planning (ROP)) i a risibí esaki.

Personanan ta haña e oportunidat pa nan mes kita nan bòrchi òf otro opheto di propaganda komersial den e término stipulá riba e steker. Riba e steker tin fecha skibi di e dia ku e steker a wòrdu di plak. Personanan ta haña e oportunidat di dos siman despues di e fecha, pa nan mes kita nan bòrchi òf otro opheto di propaganda komersial. Lo kita tur bòrchi òf otro opheto di propaganda komersial, ku no a ser kitá den e tempu stipulá, riba kosto di e persona ku a violá e lei di Òrdu Públiko. Bou di ningun sirkunstansia Gobièrnu no ta responsabel pa dañonan na e bòrchi òf otro ophetonan di propaganda komersial ku ser kitá.

Bòrchi di propaganda ku ta ser kitá mesora, sin ku ta pone un steker riba dje, ta propaganda pa evento. Segun e lei di Òrdu Públiko esaki ta propaganda temporal i ta permití solamente miéntras ku e evento no a pasa ainda. Tambe ta kita e propaganda pa evento mesora si e ta pegá un kaminda ku no ta permití, manera na un bòrchi di tráfiko, lus di tráfiko òf riba 'middenberm'.

Pa mas informashon tokante steker riba bòrchi òf opheto di propaganda por tuma kontakto ku Servisio pa Planifikashon Urbano (Ruimtelijke Ordening en Planning (ROP)) via di number di telefòn 519-0311 òf nan e-mail info.rop@gobiernu.cw. Pa informashon tokante e eksigensianan pa bòrchi òf otro ophetonan di propaganda komersial, por tuma nota di e Maneho pa Ophetonan di Propaganda (Beleid voor Reclame-uitingen) riba e wèpsait di ministerio di VVRP (www.vvrp.cw).